

Алға ауданының шалғайдағы елді мекендерінде тұратын балаларды жалпы білім беретін мектептерге тасымалдаудың схемалары мен тәртібін бекіту туралы

Күшін жойған

Ақтөбе облысы Алға аудандық әкімдігінің 2019 жылғы 6 наурыздағы № 99 қаулысы. Ақтөбе облысының Әділет департаментінде 2019 жылғы 13 наурызда № 5996 болып тіркелді. Күші жойылды - Ақтөбе облысы Алға ауданы әкімдігінің 2020 жылғы 20 наурыздағы № 106 қаулысымен

Ескерту. Күші жойылды - Ақтөбе облысы Алға ауданы әкімдігінің 20.03.2020 № 106 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 31, 37 баптарына, Қазақстан Республикасының 2003 жылғы 4 шілдедегі "Автомобиль көлігі туралы" Заңының 14 бабы 3-тармағының 3-1) тармақшасына және Қазақстан Республикасының 2016 жылғы 6 сәуірдегі "Құқықтық актілер туралы" заңының 27 бабына сәйкес, Алға ауданының әкімдігі **ҚАУЛЫ ЕТЕДІ:**

1. Алға ауданының шалғайдағы елді мекендерінде тұратын балаларды жалпы білім беретін мектептерге тасымалдаудың схемалары осы қаулының 1, 2, 3, 4, 5 қосымшаларына сәйкес бекітілсін.

2. Алға ауданының шалғайдағы елді мекендерінде тұратын балаларды жалпы білім беретін мектептерге тасымалдаудың тәртібі осы қаулының 6 қосымшасына сәйкес бекітілсін.

3. Алға ауданы әкімдігінің 2015 жылғы 2 желтоқсандағы № 481 "Алға ауданының шалғайдағы елді мекендерінде тұратын балаларды жалпы білім беру мектептеріне тасымалдау схемалары мен тәртібін бекіту туралы" қаулысының (нормативтік құқықтық актілерді мемлекеттік тіркеу тізілімінде № 4674 тіркелген, 2016 жыл 28 қаңтарда "Әділет" ақпараттық-құқықтық жүйесінде жарияланған) күші жойылды деп танылсын.

4. "Алға аудандық білім бөлімі" мемлекеттік мекемесі заңнамалық бекітілген тәртіппен қамтамасыз етсін:

1) Ақтөбе облысының Әділет департаментінде осы қаулыны мемлекеттік тіркеу;

2) Қазақстан Республикасының нормативтік құқықтық актілерінің эталондық бақылау банкіне және мерзімді баспасөз басылымдарына ресми жариялау үшін осы қаулыны жіберу;

3) аталған қаулыны Алға ауданы әкімдігінің интернет-ресурсына орналастыру.

5. Осы қаулының орындалуын бақылау Алға ауданы әкімінің орынбасары А. Қонжарға жүктелсін.


6. Осы қаулы оның алғашқы ресми жарияланған күнінен бастап қолданысқа енгізіледі.

Аудан әкімі

Н. Алдияров

Алға ауданының әкімдігінің 6 наурыз 2019 ж. № 99 қаулысына № 1 қосымша


Тоқмансай ауылының аумағында тұратын балаларды Қайнар ауылында орналасқан Тоқмансай орта мектебіне тасымалдау схемасы "Қайнар – Тоқмансай", "Тоқмансай – Қайнар"



*L	-мектепке дейінгі қашықтық		-автобустың қозғалыс бағыты
	Тас жол		Мектеп, аялдама

Алға ауданының әкімдігінің 6 наурыз 2019 ж. № 99 қаулысына № 2 қосымша


Көктоғай ауылының аумағында тұратын балаларды Маржанбұлақ ауылында орналасқан Маржанбұлақ орта мектебіне тасымалдау схемасы " Көктоғай – Маржанбұлақ", "Маржанбұлақ – Көктоғай"



*L	-мектепке дейінгі қашықтық		-автобустың қозғалыс бағыты
	Тас жол		Мектеп, аялдама

Алға ауданының әкімдігінің 6 наурыз 2019 ж. № 99 қаулысына № 3 қосымша


Қайыңдысай ауылының аумағында тұратын балаларды Маржанбұлақ ауылында орналасқан Маржанбұлақ орта мектебіне тасымалдау схемасы " Қайыңдысай – Маржанбұлақ", "Маржанбұлақ – Қайыңдысай"



*L	-мектепке дейінгі қашықтық	← →	-автобустың қозғалыс бағыты
■	Тас жол	□	Мектеп, аялдама

Алға ауданының әкімдігінің 6 наурыз 2019 ж. № 99 қаулысына № 4 қосымша


Жерұйық ауылының аумағында тұратын балаларды Маржанбұлақ ауылында орналасқан Маржанбұлақ орта мектебіне тасымалдау схемасы " Жерұйық – Маржанбұлақ", "Маржанбұлақ – Жерұйық"



*L	-мектепке дейінгі қашықтық	← →	-автобустың қозғалыс бағыты
■	Тас жол	□	Мектеп, аялдама

Алға ауданы әкімдігінің 6 наурыз 2019 ж.
№ 99 қаулысына № 5 қосымша

Маржанбұлақ ауылының Батыс жаңақоныс және Шығыс жаңақоныс ауданының аумағында тұратын балаларды Маржанбұлақ орта мектебіне тасымалдау схемасы



*L	-мектепке дейінгі қашықтық	← →	-автобустың қозғалыс бағыты
■	Тас жол	□	Мектеп, аялдама

Алға ауданы әкімдігінің 6 наурыз 2019 ж.
№ 99 қаулысына 6 қосымша

Алға ауданының шалғайдағы елді мекендерінде тұратын балаларды жалпы білім беретін мектептерге тасымалдаудың тәртібі

1. Жалпы ережелер

1. Алға ауданының шалғайдағы елді мекендерінде тұратын балаларды жалпы білім беретін мектептерге тасымалдаудың осы тәртібі Қазақстан

Республикасының "Автомобиль көлігі туралы" Заңының 14-бабына сәйкес әзірленген.

2. Тасымалдаушыға және автокөлік құралдарына тасымалдау кезінде қауіпсіздікті қамтамасыз ету жөнінде қойылатын талаптар

2. Балаларды тасымалдау арнайы автобустармен жүргізіледі.

3. Балаларды тасымалдау ұйымдастырылуы мүмкін, егер:

1) автомобиль жолдарының өткізу қабілеті автобустардың тұрақты қозғалысын жүзеге асыруға мүмкіндік берсе;

2) автомобиль жолдарының жай-күйі және олардың жөнделуі жол қозғалысы қауіпсіздігінің талаптарына сәйкес болған жағдайда;

4. Балаларды тасымалдауға тасымалдаушылар немесе тасымалдаушы қызметін өз бетінше атқаратын тапсырыс берушілер төмендегі қызметтерді көрсетуге мүмкіндігі болған жағдайда және талаптарға сай болғанда ғана жіберіледі:

1) "Автомобиль көлігі туралы" Қазақстан Республикасының Заңына сәйкес біліктілігі және кәсіби жарамдылығын растайтын құжаты болғанда;

2) тасымалдау қауіпсіздігін қамтамасыз етуге нормативтік құқықтық актілер талаптарына сай келетін және тиісті тасымалдау түріне жарамды көлік құралдары.

5. Балаларды автобуспен тасымалдауға жасы кемінде жиырма бестен кем емес, соңғы жылдары еңбек тәртібін және қозғалыс ережесін өрескел бұзбаған, тиісті санаттағы жүргізуші куәлігі және кемінде бес жыл жұмыс өтілі бар жүргізушілер жіберіледі.

6. Автобустарда багаж қоятын бөлімшеден тыс орында жүк, оның ішінде багаж тасымалдауға жол берілмейді.

7. Автокөлік құралдарын пайдалануға олардың иелерінің азаматтық-құқықтық жауапкершілігі міндетті сақтандырылған жағдайда ғана жол беріледі. Сондай-ақ міндетті сақтандыруға жолаушылар мен багаж тасымалдауды жүзеге асыру үшін пайдаланылатын автокөлік құралдарымен жол жүрген кезде жолаушылардың өміріне, денсаулығына және мүлкіне келтірілген зиян үшін тасымалдаушының жолаушылар алдындағы азаматтық-құқықтық жауапкершілігі де міндетті сақтандырылуға жатады.

3. Автокөлік құралдарына қойылатын талаптар

8. Балаларды тасымалдауға Қазақстан Республикасының заңнамасына сәйкес техникалық байқаудан өткен көлік құралдары жіберіледі. Бұл ретте автобустардың конструкциясы мен техникалық жағдайы тиісті стандарттардың

талаптарына сай болуы қажет. Балаларды тасымалдауға пайдаланатын автобустар:

- дәрілер мен медициналық құралдардың қажетті жинағы бар медициналық қобдишамен (автокөліктік);

- автокөліктер ылди жолда тоқтаған кезде өздігінен жүріп кетуден сақтайтын орнықтырғыш құралдармен;

- авариялық аялдау белгісімен;

- ақаусыз өрт сөндіру құралдарымен;

- жол-көлік оқиғасы жағдайында әйнектерді сындыру және есіктерді, терезелерді, авариялық люктерді жедел ашудың тиісті құрал-саймандарымен және оларға ақпараттық тақтайшалармен жабдықталынуы қажет.

9. Балаларды тасымалдауға арналған автобустарда мыналар болуы тиіс:

- ешқандай кедергісіз ашылып, жабылатын жолаушылар салонының есіктері мен авариялық люктер;

- есіктерде өткір немесе олардың бетінен алыс тұрған шығыңқы жерлер болмауы тиіс;

- жабық тұрған жағдайда жолаушылар салонға және жүргізуші отыратын кабинаға атмосфералық жауынның кіруін болдырмайтын төбе, авариялық люктер және терезелер;

- берік бекітілген тұтқалар және отырғыштар;

- жолаушыларға арналған креслолардың отырғыштары мен арқалықтарының таза және тыстарының бүтін болуы;

- тегіс, шығыңқы жерлері немесе бекітілмеген бөлшектері жоқ баспалдақтары мен салонның едені. Салон еденінің жамылғысы бүтін материалдан жасалуы тиіс ;

- шаңнан, кірден, бояудан және олар арқылы көруді төмендететін өзге де заттардан тазартылған терезелердің мөлдір әйнектері. Терезе ойығын ақпараттық немесе жарнамалық материалдармен 30 %-дан артық жабуға болмайды;

- жылдың суық мезгілінде жылытылатын және ыстық мезгілінде желдетілетін , жолаушылар салоны құрал-саймандармен қосалқы бөлшектер тиелмеуі тиіс.

10. Жолаушылар мен жүктерді автомобильмен тұрақты тасымалдау кезінде пайдаланылатын автобустардың салондарын ылғалды материалмен сүрту ауысымында кемінде екі рет және ластану шамасына қарай жүргізіледі.

11. Сыртқы қорапты жуу ауысымнан кейін жүргізіледі.

12. Балаларды тасымалдауға арналған автобустардың алдында және артында "Балаларды тасымалдау" деген айырықша белгілері мен сары түсті жылтыр шағын маяк орнатылады. Жазу қара түспен жазылып (шрифтың биіктігі 120 мм кем емес) тікбұрышты етіп қоршалады. Санитарлық паспортымен жабдықталған болуы тиіс.

4. Балаларды тасымалдау тәртібі

13. Балаларды тасымалдау техникалық жағдайы автомобиль көлігімен жолаушылар мен жүкті тасымалдау қағидасының талаптарына жауап беретін, кемінде екі есігі бар автобустармен жүзеге асырылады.

14. Балалардың тасымалдауын ұйымдастыру кезінде тасымалдаушы, немесе ұқсас қызмет көрсету мүмкіндігі ұсынылған жағдайда тасымалдаушының қызметтерін дербес орындайтын тапсырыс беруші аудандардың жергілікті атқарушы органдары мен мектеп әкімшілігімен бірлесе отырып, маршруттарды және балалардың мініп түсуіне оңтайлы орындарды белгілейді.

15. Автобусты күтіп тұрған балаларға арналған алаңшалар, олардың көлік жолына шығуын кетуін болдырмайтындай жеткілікті кең болуы тиіс. Алаңдар жолаушылар мен жүкті автомобильмен тұрақты тасымалдау маршруттарының аялдама пункттерінен бөлек орналасуы тиіс.

16. Балалардың тасымалын ұйымдастырушы үнемі (айына кемінде 1 рет) балалардың мініп-түсетін орындарының жағдайын тексереді.

17. Егер балаларды қараңғы уақытта тасымалдаған жағдайда алаңдар жасанды жарықтандырғыш қондырғылармен жабдықталуы тиіс.

18. Күз-қыс айларында алаңдар балшықтан, қардан, мұздан тазартылуы қажет

19. Балаларды түнгі уақытта (кешкі 22-ден таңғы сағат 6-ға дейін), сондай-ақ тұманда, көктайғақта немесе басқа да қолайсыз жағдайларда тасымалдауға рұқсат етілмейді.

5. Қорытынды ережелер

20. Алға ауданының шалғайдағы елді-мекендерінде тұратын балаларды жалпы білім беретін мектептерге тасымалдау бойынша осы тәртіппен реттелмеген қатынастар Қазақстан Республикасының қолданыстағы заңнамасына сәйкес реттеледі.